

Zbirka medijskih objava

VladaBrckoDistrikta_kliping_dnevno,
za razdoblje 4. 9. 2020

Broj objava: 9

Internet: 4

Štampa: 5

Teme praćenja:

Vlada Brčko Distrikta: 2

Gradonačelnik: 0

Skupština Brčko: 1

Brčko: 6

Vlada Brčko Distrikta:

Internet	Naslov	Blažić: Administracija treba da donese tehničke odluke o formiranju slobodne poslovne zone		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 3. 9. 2020		
	Autor	Unknown		
	Teme	Vlada Brčko Distrikta		

Internet	Naslov	Staša Košarac posjetio brčanski "Bimal" - Radio Brčko distrikta BiH		
Serijski br. 2	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 3. 9. 2020		
	Autor	Unknown		
	Teme	Vlada Brčko Distrikta		

Skupština Brčko Distrikta:

Internet	Naslov	Zakazan novi termin javne rasprave o Nacrtu zakona o udruženjima i fondacijama Brčko distrikta BiH		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 3. 9. 2020		
	Autor	Unknown		
	Teme	Skupština Brčko Distrikta		

Brčko:

Internet	Naslov	Brčko: Organizacija SDP BiH i NS formirali koaliciju		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 3. 9. 2020		
	Autor	Unknown		
	Teme	Brčko		

Štampa	Naslov	Zbog krijumčarenja ljudi podigli 111 optužnica		
Serijski br. 2	Medij; Doseg	Dnevni avaz; 50.000, Bosna i Hercegovina	Stranica: 8	Površina: 99 cm ²
	Rubrika, Datum	Teme; 4. 9. 2020		
	Autor	Unknown		
	Teme	Brčko		

Štampa	Naslov	10.000 KM za izgradnju Dnevnog centra		
Serijski br. 3	Medij; Doseg	Nezavisne novine; , Bosna i Hercegovina	Stranica: 8	Površina: 83 cm ²
	Rubrika, Datum	Događaji; 4. 9. 2020		
	Autor	Srna		
	Teme	Brčko		

Štampa	Naslov	Prioritet zaštita domaće proizvodnje		
Serijski br. 4	Medij; Doseg	Nezavisne novine; , Bosna i Hercegovina	Stranica: 12	Površina: 91 cm ²
	Rubrika, Datum	Ekonomija; 4. 9. 2020		
	Autor	Srna		
	Teme	Brčko		

Štampa	Naslov	Stop trgovini ljudima		
Serijski br. 5	Medij; Doseg	Oslobođenje; , Bosna i Hercegovina	Stranica: 8	Površina: 129 cm ²
	Rubrika, Datum	Događaji; 4. 9. 2020		
	Autor	Unknown		
	Teme	Brčko		

Štampa	Naslov	Jedini proizvođači jestivog ulja i šećera BIMAL i STUDEN AGRANA predstavili svoju proizvodnju		
Serijski br. 6	Medij; Doseg	Poslovne novosti; , Bosna i Hercegovina	Stranica: 1	Površina: 254 cm ²
	Rubrika, Datum	Poslovne novosti; 4. 9. 2020		
	Autor	Unknown		
	Teme	Brčko		

Brčko: Organizacija SDP BiH i NS formirali koaliciju



četvrtak, 03 septembar 2020 15:31 Autor eBrcko Kategorija: Vijesti **Brčko**

Organizacija **SDP BiH Brčko** distrikt **BiH** i Gradski odbor **NS BiH Brčko** distrikt **BiH**, na danas održanoj press konferenciji su informisali javnost o formiranju koalicije ove dvije stranke pod nazivom **"BH BLOK-SDP BiH i NS BiH"** sa kojom će nastupiti na predstojećim Lokalnim izborima 2020. godine.

Navedena koalicija ima zajedničku listu kandidata koja je jučer ovjerena od Centralne izborne komisije **BiH**.

Organizacija **SDP BiH Brčko** distrikt **BiH** i Gradski odbor **NS BiH Brčko** distrikt **BiH** su usaglasili Sporazum za **Brčko** distrikt **BiH** 2020. godine, odnosno utvrdili principe, smjernice i plan zajedničkog političkog djelovanja u **Brčko** distriktu Bosne i Hercegovine kojeg će narednih dana verifikovati predsjednici političkih stranaka koje čine koaliciju.

Želimo istaći da će se naša koalicija zalagati za principe koji su navedeni u sporazumu, a to su principi slobode, jednakosti i solidarnosti što su univerzalni principi ove dvije stranke.

Nastojat ćemo da se građanima **Brčko** distrikta omogući ugodnije okruženje za život, obezbijedi zdravo okruženje za rad, bez ucijena, bez korupcije uz punu transparentnost u radu javnih službi i trošenje javnog novca. Zalagat ćemo se za potpunu depolitizaciju javne uprave. Smatramo da je vrijeme u Distriktu za velike korake i projekte, te u skladu sa navedenim ćemo u skorije vrijeme predstaviti javnosti Osnove strategije razvoja **Brčko** distrikta **BiH**, koji će biti zasnovani na ekonomski održivom razvoju, kvalitetnom životu građana, kao i uključenosti građana u donošenju važnih odluka.

SDP BiH i **NS BiH** ide odlučno u okviru koalicije **"BH BLOK-SDP BiH i NS BiH"** u naredne izbore da napravi rezultat koji će omogućiti da ova koalicija bude nezaobilazan faktor u formiranju vlasti u **Brčko** distriktu **BiH**.


Koalicija je zasnovana na programu i jedinstvu ideje da Distrikt krene u mnogim segmentima da bolje funkcioniše.

Nećemo voditi kampanju na spominjanju problema, nego ćemo u svom programu dati odgovore i ponuditi rješenja kako riješiti probleme građana.

Koalicija **"BH BLOK-SDP BiH i NS BiH"** je zasnovana na jedinstvu ideje i zajedničkih ideoloških i programskih tačaka.

Kada je riječ o nosiocu liste, nosilac je svaki kandidat na našoj listi, a u skorije vrijeme ćemo objaviti imena svih kandidata. Lista je sačinjena tako da niko ne može biti apsolutni favorit, lista je vrlo ujednačena, sačinjena od ljudi koji će nakon izbora moći preuzeti odgovornost za vođenje procesa u **Brčko** distriktu **BiH**.

Blažić: Administracija treba da donese tehničke odluke o formiranju slobodne poslovne zone



četrtek, 03 septembar 2020 20:47 Autor **SRNA** Kategorija: Vijesti **Brčko**

Kancelarija za upravljanje javnom imovinom **Vlade Brčko distrikta** na tehničkom nivou treba da donese odluke o formiranju slobodne poslovne zone u distriktu i predloži ih Vladi na usvajanje kako bi mogli ići dalje u taj proces, rekao je danas šef Vladinog Odjeljenja za stručne i administrativne poslove Srđan Blažić.

Zakazan novi termin javne rasprave o Nacrtu zakona o udruženjima i fondacijama **Brčko** distrikta BiH



Javna rasprava o Nacrtu zakona o udruženjima i fondacijama **Brčko** distrikta **BiH** koja je danas organizovana u Skupštini **Brčko** distrikta prekinuta je jer svi učesnici rasprave nisu imali odgovarajuću verziju Nacrta zakona o udruženjima i fondacijama koji je prošao prvo čitanje. Javna rasprava zakazana je ponovno za 15. septembar 2020. godine.

Ovaj zakon usvojen je u prvom čitanju na 66. redovnoj sjednici Skupštine 29. jula 2020. godine, kada je donesena i Odluka o organizovanju javne rasprave.

Srđan Blažić, šef Odjeljenja za stručne i administrativne poslove izjavio je prije početka javne rasprave da je Zakon prošao svu potrebnu proceduru i da je javna rasprava organizovana kako bi se dobio najbolji prijedlog za usvajanje u Skupštini Distrikta.

– Zakon donosi novine koje se prije svega odnose na buduće finansiranje i sufinansiranje projekata i programa od javnog interesa. Zakon predviđa da ubuduće sva grantovska davanja prema nevladinom sektoru idu putem javnog poziva, s jasnim kriterijumima, ocjenom komisije uz dalje praćenje toka projekata i programa – rekao je Blažić.

Podsjetio je da je novina i uvođenje inspektora za nevladin sektor kao i to da nevladine organizacije neće više moći imati sjedište u privatnoj stambenoj jedinici, osim ako ona služi toj svrsi.

Morat će se voditi i jasna evidencija članstva, troškova prema međunarodnim računovodstvenim standardima i propisima o reviziji **Brčko** distrikta i podnositi izvještaji nadležnim organima i Direkciji za finansije – rekao je Blažić.

Nacrt zakona o udruženjima i fondacijama bio je 30 dana i na e-konsultacijama putem zvanične internetske stranice **Vlade Brčko distrikta**.

Ljubiša Lukić, predsjedavajući Zakonodavne komisije **Skupštine Brčko distrikta** rekao je da je već na osnovu diskusija o Nacrtu zakona u prvom čitanju bilo evidentno da će poslanički klubovi uložiti amandmane.

– Najviše pažnje poslanika bilo je usmjereno na ovlaštenja inspektora za nevladin sektor kao i to da će sva nevladina udruženja koja ne usklade svoje akte sa novim zakonom biti brisana iz sudskog registra, što do sada nije bio slučaj. Smatram da je to dobra odredba Zakona koja će omogućiti brisanje pasivnih udruženja i dati nam realnu sliku stvarnog stanja o broju udruženja u **Brčkom** – rekao je Lukić.

<https://www.otisak.ba/zakazan-novi-termin-javne-ra...>

2 / 2

Damir Radenković iz Omladinskog centra Vermont rekao je da su na javnu raspravu došli s konkretnim prijedlozima koji su vezani za transparentnost rada nevladinog sektora i projekata koji se finansiraju grantovima.

Imamo neka prava koja dobivamo od lokalnih vlasti ali nemamo obaveze koje su jasno definisane i predstavljene građanima – rekao je Radenković.

Za organizovanje javne rasprave o Nacrtu zakona o udruženjima i fondacijama Skupština je zadužila Zakonodavnu komisiju i Odjeljenje za stručne i administrativne poslove.

Staša Košarac posjetio brčanski "Bimal" - Radio **Brčko** distrikta BiH

Prevazilaženje situacije u vezi sa neutvrđenim kvotama uvoza sirovog šećera u BiH, bila je osnovna tema razgovora čelnika brčanskog "Bimala" sa ministrom spoljne trgovine i ekonomskih odnosa u Vijeću ministara BiH Stašom Košarcem, koji je danas boravio u radnoj posjeti ovoj kompaniji i Distriktu.



„Došlo je do zastoja kad je riječ o utvrđivanju dodatnih kvota za uvoz sirovog šećera iz administrativnih razloga, mada je naše ministarstvo, u skladu sa zakonom, pokrenulo neophodni postupak. Na osnovu mišljenja koje je dostavila Uprava za indirektno oporezivanje BiH, tražićemo i dodatna mišljenja entitetskih institucija, kako bi BIMAL nastavio svoju osnovnu djelatnost koja je trenutno usporena“, rekao je minstar spoljne trgovine i ekonomskih odnosa u Vijeću ministara BiH, Staša Košarac.



Košarac je dodao kako vjeruje da će već naredne sedmice ovo pitanje biti elaborirano na sjednici Vijeća ministara BiH. Predstavnici "Studen grupacije" na sastanku su izrazili zadovoljstvo razumjevanjem i interesovanjem ministarstva za probleme u funkcionisanju same kompanije, te zalaganjem sa nivoa Vijeća ministara BiH da se problemi u privredi, pa i ovaj sa dodatnim kvotama za uvoz sirovog šećera čim prije razriješe.

"Dosadašnja saradnja nam pokazuje da resorno ministarstvo čini maksimum kako bi pomogao našoj kompaniji, a time razriješio i mnoga pitanja unutar prehrambene industrije na nivou cijele države", rekao je pomoćnik direktora za proizvodnju u "Bimalu", Ševal Suljkanović.

Sastanku je, u ime brčanske Vlade, prisustvovao i šef Odjeljenja za stručne i administrativne poslove Srđan Blažić, koji je još jednom istakao podršku koja se pruža ovoj kompaniji s naglaskom na realizaciju novog projekta bezcarinskih zona na području Distrikta.



U Tužilaštvu BiH održan sastanak Udarne grupe Zbog krijumčarenja ljudi podigli 111 optužnica

Glavna državna tužiteljica BiH Gordana Tadić predvodila je jučer sastanak Udarne grupe za borbu protiv trgovine ljudima, na kojem su učestvovali predstavnici tužilaštava, policijskih i sigurnosnih agencija i drugih institucija s državnog nivoa, oba entiteta i Distrikta Brčko BiH.

Glavna tužiteljica upoznala je učesnike sastanka s tim da je, i pored poteškoća uzrokovanih pandemijom koronavirusa, Tužilaštvo BiH u proteklih šest mjeseci realiziralo više desetina aktivnosti koje su se odnosile na procesuiranje krivičnih djela povezanih s ilegalnim migracijama i trgovinom ljudima.



Sa sastanka: Realizirane desetine aktivnosti

nom ljudima.

- Tužilaštvo BiH je od 2015. godine do danas podiglo optužnice u 111 predmeta protiv 147 osoba za krivična djela krijumčarenja ljudi povezana s ilegalnim migracijama te 16 optužnica protiv 58 osoba za izvršenje ovih krivičnih djela u organiziranim oblicima - rečeno je.



KABINET PREDSEDNIKA RS

10.000 KM za izgradnju Dnevnog centra

BANJALUKA - Kabinet predsjednika Republike Srpske Željke Cvijanović donirao je 10.000 KM za završetak izgradnje Dnevnog centra "Podrži me - 9. januar" u Kosovskoj Mitrovici i 5.000 KM za štampanje knjige "Humano srce Srpske" autora Slavka Basare, saopštio je Odbor za pomoć Kosovu i Metohiji iz Banjaluke.

Predsjednik Odbora Milorad Arlov zahvalio je Cvijanovićevoj na podršci za završetak izgradnje Dnevnog centra koji je namijenjen djeci i mladima sa poteškoćama u razvoju na Kosovu i Metohiji, kao i što je pomogla da što prije bude odštampana knjiga koja govori o višegodišnjoj humanosti Odbora i Republike Srpske prema Srbima na Kosovu i Metohiji.



"Od

svakog prodatog primjerka knjige 50 odsto sredstava će biti usmjereno za ovaj centar i za pomoć djeci i mladima sa poteškoćama u razvoju na Kosovu i Metohiji. Ova knjiga, nastala iz velike humanosti, i sama će služiti humanosti", istakao je Arlov.

On je naveo da će knjiga sa-

državati oko 300 stranica teksta i oko 1.000 fotografija, te da su recenzenti banjalučki pisci Tomo Marić i Ranko Preradović, a izdavač "Prosvjeta" Brčko i nekoliko saizdavača.

**ARLOV JE IZRAZIO
OČEKIVANJE DA
DNEVNI CENTAR
BUDE ZAVRŠEN
DO KRAJA GODINE**

Arlov je izrazio očekivanje da Dnevni centar bude završen do kraja godine, te poziva sve koji su u mogućnosti da pomognu u prikupljanju još oko 70.000 evra, koliko je potrebno da izgradnja bude završena. (Srna)



LAKTAŠI - Ministar spoljne trgovine i ekonomskih odnosa BiH Staša Košarac izjavio je juče u Laktašima da je prioritet zaštita domaće proizvodnje, ali da Federacija BiH još nije donijela odluku o interventnom otkupu proizvoda, za razliku od Republike Srpske.

"Privrženi smo zaštiti domaće proizvodnje, a mjere Vlade RS koje se odnose na otkup tovne junadi i svinja daju efekat. Pozvao sam primarne prerađivače u RS i FBiH, kao i mesoprerađivačke kapacitete da otkupe domaću proizvodnju jer

STAŠA KOŠARAC POSJETIO MI "TULUMOVIĆ"

Prioritet zaštita domaće proizvodnje



postoje viškovi", rekao je Košarac, nakon što je posjetio Mesnu industriju "Tulumović".

On je istakao da je ova kom-

panija otkupila domaću proizvodnju, što je odgovoran pristup.

"Ministarstvo spoljne trgovine i ekonomskih odnosa pokre-

nulo je postupak daljeg nastavka izvoza mesa u Tursku i u predstojeći ponedjeljak očekujem da robu počnemo izvoziti. Obaveza je i da pokušamo otvoriti nova tržišta, a narednih dana javnost će biti informisana o čemu se radi", rekao je Košarac.

Savjetnik ministra poljoprivrede, šumarstva i vodoprivrede RS Miroslav Bojić naglasio je da mjere Vlade Srpske koje se odnose na interventni otkup tržišnih viškova tovnih junadi i svinja daju rezultat, za šta je izdvojeno tri miliona KM.

"U ovoj mesnoj industriji imamo više od 200 otkupljenih

grla tovnje junadi koja je od naših domaćina. Ovih dana ćemo u Ministarstvu poljoprivrede sagledati situaciju, odnosno koliko je otkupljeno tovnje junadi i svinja u Srpskoj kako bi mjere bile u potpunosti sprovedene u predviđenom roku", rekao je Bojić.

OBAVEZA JE I DA POKUŠAMO OTVORITI NOVA TRŽIŠTA, REKAO KOŠARAC

Zamjenik direktora MI "Tulumović" Jovana Tulumović re-

kla je da je ova industrija, od odobrenih 1.000 grla junadi za interventni otkup, do sada uzela 220, i da će posao biti uspješno završen do kraja otkupa.

Prerađivači moraju da plate proizvođaču tovnje junadi minimalno 3,80 KM po kilogramu, a dobijaju nazad 70 feninga po kilogramu, što je premija Ministarstva.

Kada je riječ o tovnim svinjama, minimalna otkupna garantovana cijena za proizvođače je 2,80 KM, a podsticaj je 60 feninga.

Nakon Laktaša, Košarac je trebalo da posjeti Brčko. (Srna)



Stop trgovini ljudima

Glavna tužiteljica Tužiteljstva BiH Gordana Tadić održala je sastanak Udarne grupe za borbu protiv trgovine ljudima na kojem su sudjelovali predstavnici tužiteljstava, policijskih i sigurnosnih agencija i drugih institucija sa razine države, oba entiteta i **Brčko** distrikta.

Kazala je da je, i pored poteškoća prouzrokovanih pandemijom Covid-19, Tužiteljstvo BiH u proteklih šest mjeseci realiziralo više desetina aktivnosti. U saopćenju se navodi da su od 2015. podignute optužnice u 111

predmeta protiv 147 osoba za kaznena djela krijumčarenja ljudi povezana sa ilegalnim migracijama, te 16 optužnica protiv 58 osoba za izvršenje navedenih kaznenih djela u organiziranim oblicima.

Članovi Udarne grupe dogovorili su dalje zajedničko djelovanje kako bi se operativnim aktivnostima u narednom periodu ostvarili što bolji rezultati.

Inače, Služba za poslove sa strancima je jučer protjerala 36 stranih državljana koji su ilegalno boravili na teritoriji BiH.



Dogovoreno je zajedničko i koordinirano djelovanje



KOŠARAC POSJETIO AGROINDUSTRIJSKI KOMPLEKS STUDEN HOLDINGA U **BRČKOM**

Jedini proizvođači jestivog ulja i šećera BIMAL i STUDEN AGRANA predstavili svoju proizvodnju

Kao najveći investitor u prehrambenu industriju Bosne i Hercegovine STUDEN Holding je predstavio svoje proizvodne pogone i visokokvalitetne proizvode koje plasira na domaćem tržištu i izvoznim tržištima zemalja Europe, Zapadog Balkana i Bliskog istoka

Ministar spoljnjih poslova i ekonomskih odnosa Bosne i Hercegovine (BiH) Staša Košarac posjetio je juče fabriku za proizvodnju jestivog ulja BIMAL, Rafineriju šećera STUDEN-AGRANA i Agroindustrijski kompleks STUDEN Holdinga u **Brčkom**.

Kao najveći investitor u prehrambenu industriju Bosne i Hercegovine STUDEN Holding je predstavio svoje proizvodne pogone i visokokvalitetne proizvode koje plasira na domaćem tržištu i izvoznim tržištima zemalja Europe, Zapadog Balkana i Bliskog istoka. "Budući da su BIMAL i STUDEN AGRANA jedini domaći proizvođači jestivog ulja i šećera fokus je na kontinuitetu proizvodnje, a s ciljem stabilnog snabdijevanja domaćeg tržišta. Domaća industrija je u izuzetno teškoj poziciji izazvanom COVID-19 krizom i stoga je ključno da institucije vlasti na svim niovima koordinišu rad kako bi na taj način već tešku situaciju institucionalno olakšali, a ne otežali", izjavio je Ševal Suljkanović,

izvršni direktor BIMAL-a za ekonomska pitanja.

"Posjeta ministra Košarca uvjerava nas da ministar i Ministarstvo prepoznaju važnosti održanja domaće industrije u ovoj izuzetno teškoj ekonomskoj situaciji generalno i jasna je poruka svim domaćim proizvođačima da imamo partnera za razgovor", istaknuo je Suljkanović.

Tokom sastanka i obilaska proizvodnih pogona ministar Košarac je istaknuo važnost postojanja domaće proizvodnje jestivog ulja i šećera, te izrazio spremnost za proaktivan rad koji bi obezbijedio stabilno i kontinuirano snabdijevanje tržišta, saopćeno je iz BIMAL-a.

Delegaciju je u ime STUDEN Holdinga primio Ševal Suljkanović, izvršni direktor za ekonomska pitanja BIMAL-a, Nataša Pucar, direktorica korporativnih komunikacija STUDEN Holdinga, a u ime Distrikta Srđan Blažić, šef Odjeljenja za stručne i administrativne poslove.

